

28 Յունուար - Բանակի Օր Հայոց Ազգային Բանակի Կազմաւորումը

Առաջնահերթ նշանակութիւն ստացաւ ազգային պետութեան անվտանգութեան պահպանման հարցը, որի երաշխիքը կարող էր լինել մարտունակ բանակը: Հայոց բանակի ակունքներում կանգնած էին դեռեւս 1990 թուականի Մեպտեմբերին կազմաւորուած Երեւանի յատուկ գունդը եւ Արարատի, Գորիսի, Վարդենիսի, Իջեւանի ու Մեղրու Ինքնապաշտպանական վաշտերը: 1992-1993 թթ, երկրապահ կամաւորական ջոկատների եւ բանակ զօրակոչուած զինակոչիկների միաւորումով ստեղծուեց շարժունակ եւ կարգապահ բանակ: 1992 թուականի Յունուարի 28-ին կառավարութիւնն ընդունեց «ՀՀ պաշտպանութեան նախարարութեան մասին» պատմական որոշումը, ազդարարեց ազգային բանակի ստեղծման սկիզբը: Նորաստեղծ նախարարութեան ենթակայութեանը յանձնուեցին ընդամենը զինուորական չորս միաւորներ՝ ՆԳՆ պարեկապակային գունդը, յատուկ նշանակութեան օբերատիւ գունդը, քաղաքացիական պաշտպանութեան գունդը եւ հանրապետական զինկոմիսարիատը:



Պաշտպանութեան նախարարութեան կեղրոնական ապարատը գլխաւոր շտաբը, վարչութիւններն ու առանձին բաժինները ստեղծուեցին աւելի ուշ: Դեռեւս 1991թ. Մայիսին պաշտպանութեան նախարարութիւնը «Զինապարտութեան մասին» օրէնքով հիմք դրեց բանակը ժամկետային զինժառայողներով համալրելու կարգին: Նոր կազմաւորուած զօրամասերի անձնակազմը 1992թ. Մայիսի 28-ին Հանրապետութեան հրապարակում հանդիսաւոր պայմաններում տուեց առաջին զինուորական երգումը:

Անկախ Հայաստանի զինուած ոյժերի կանոնաւոր զօրամիաւորումներն ու զօրատեսակները, ինչպէս նաեւ սպայական կազմը ձեւաւորեցին գերազանցապէս խորհրդային բանակի կազմակերպական հիմքի վրայ: Նորաստեղծ Հայկական բանակի սպառազինութիւնը եւ ռազմական տեխնիքան ժառանգութիւն էր մնացել նոյն խորհրդային բանակից:

Հայոց բանակին ու քաջ զինուորին

*Դու մեր բանակ աննկուն,
Թշնամու սարսափ,
Մահմանին մեր անկոտորում,
Կանգնած ես միշտ սթափ:
Դու ես մեր պարծանքը միշտ
Մեր զինուոր հզօր,
Թշնամու դէմ չունիս խիղճ,
Բազուկդ է հզօր:
Դու ես մեզ միշտ ապաւեն ...
Պաշտպան մեր բարի,
Դու մեր բանակ աննկուն,
Զինուոր քաջարի:
Միշտ նոր պատմութիւն կերտած,
Պատմութեանն յաղթած,
Պատմութեան ճանապարհին
Միշտ յաղթանակ կերտած:
Աստուած պահի քեզ զինուոր,
Միշտ առողջ լինես,
Քո ամրակոտ ձեռքերով
Երկիրդ պահես:
Աստուած տայ քեզ խաղաղ օր,
Ով դու հայ զինուոր,
Տանիքդ միշտ շէն լինի
Բազուկդ հզօր ...*

Շարունակութիւնը էջ 2

Յունահայոց Հայրապետական Առաջնորդի Տեղապահ Հայր Խորէն վրդ. Առաքելեան Հանդիպում Ունեցաւ Տոքթ. Հրաչ Գոյումճեանի Հետ



Յունահայոց՝ Մայր Աթոռ Ս. Էջմիածնի հաւատարիմ թեմի, Առաջնորդական տեղապահ, Հայր Խորէն վրդ. Առաքելեան, հանդիպում ունեցաւ Հայաստանակեղրոն Ռամկավար Ազատական կուսակցութեան Գերագոյն Խորհուրդի ընդհանուր քարտուղար, Տոքթ. Հրաչ Գոյումճեանի հետ որ առաքելութեամբ Աթէնք ժամանած էր, ի ներկայութեան Աթէնքի Ռ.Ա.Կ-եան վարիչ ներկայացուցիչներու:

Հանդիպման ընթացքին արժարձուեցան գաղութը հետաքրքրող կարեւոր հարցեր, ինչպէս նաեւ մեր յարաբերութիւնները առնչող հարցերու շուրջ եւ յատկապէս Մայր Աթոռ Ս. Էջմիածնի վեհապետութեան վերաբերեալ հարցերու շուրջ:

Հանդիպման աւարտին Հայր Խորէն մեծապէս գնահատեց Ռ.Ա.Կեան Աթէնքի վարչութեան նախաձեռնութիւնը՝ հանդէպ եկեղեցական եւ ազգային հարցերու նկատմամբ եւ երկուստեք վերահաստատեցին իրենց համագործակցութիւնը, ի փառս՝ Յունահայ գաղութին եւ Մայր Աթոռ Սուրբ Էջմիածնին:

Ն.Ա.



Փայլանի Հայերէն Խօսքերը՝ «Աստուած հոգիդ լուսաւորէ: Շատ ապրիս, Հրանդ», Խորհրդարանի Արձանագրութիւններուն Մէջ «X» Նշանը Կրած Են

Տինքը իր ամբողջ կեանքի ընթացքին պաշտպանեց խաղաղութեան եւ արդարութեան մէջ միասին ապրելու կամքը: Սակայն, դժբախտաբար, ասկէ ճիշդ 11 տարի առաջ սպաննուեցաւ պետութեան հետ առնչութիւն ունեցող կազմակերպութեան կողմէ: Armenpress.am-ի տեղեկութիւններով Թուրքիոյ խորհրդարանին մէջ իր ելոյթը այս խօսքերով սկսած է «Քրտամէտ Ժողովուրդներու ժողովրդավարական» կուսակցութեան անդամ հայ երեսփոխան Կարօ Փայլան:



«Յանցագործութենէն շուրջ երեք տարի առաջ իր պարբերականին մէջ Տինք հարապարակեց տեղեկութիւն այն մասին, թէ Սապիհա Կէօքչէնը՝ Աթաթուրքի որդեգիր զաւակը, հայ որբ է: Թուրքիոյ մէջ անձի մը հայ ըլլալուն մասին պնդումը անմիջապէս ընդունուեցաւ իբրեւ մեծ յանցանք: Թուրքիոյ զինեալ ուժերու սպայակոյտը հայ ըլլալու մասին այդ պնդումը յանցագործութիւն նկատեց: Սպայակոյտը յատուկ յայտարարութեամբ թիրախաւորեց Հրանդ Տինքը, յայտարարուեցաւ, թէ ան «կը վիրաւորէ թրքականութիւնը»: Ի հարկէ, ասոր որոշակի զարգացումներ յաջորդեցին», - նշած է երեսփոխանը:

Փայլան յիշեցուցած է, որ նոյնիսկ իշխող Արդարութիւն եւ բարգաւաճում կուսակցութեան երեսփոխանները եւ ներկայացուցիչները չխորշեցան Տինքը թիրախաւորող յայտարարութիւններէն: Օրինակ, այն ժամանակուան արդարադատութեան նախարարը Հրանդ Տինքի համար յայտարարած էր. «Թիկունքէն մեզ կը դաշունահարեն»: Նմանօրինակ յայտարարութեամբ հանդէս եկաւ նաեւ այն ժամանակ երեսփոխան Ճեմալ Զիչէք: «Այդպիսի դէպքերու մէջ Տինք նոյնիսկ կանչուեցաւ Պոլսոյ նահանգապետարան, ուր Ազգային անվտանգութեան ծառայութեան աշխատակիցները անոր սպառնացին՝ ըսելով. «Չափդ գիտցի՞ր»: Եւ այդ ամբողջ ընթացքին Արդարութիւն եւ բարգաւաճում կուսակցութիւնը իշխանութեան ղեկին էր եւ կը հետեւէր կատարուող իրադարձութիւններուն: Եւ այս բոլորին պատճառով՝ ամբողջ պետութեան մը հետախուզական մարմիններու տեղեկացուածութեան պայմաններուն մէջ, անոնց աչքին առջեւ Տինքը սպաննուեցաւ», - ընդգծած է Փայլան:

Ան նաեւ նշած է, որ թէեւ բազմիցս իրենք երկրին իշխանութիւնները յորդորած են հետամուտ ըլլալ յանցագործութեան բացայայտման գործին մէջ, սակայն Արդարութիւն եւ բարգաւաճում կուսակցութիւնը փոխարէնը յանցագործութեան մէջ մեղաւոր բոլոր գործիչներուն պաշտօնները բարձրացուց՝ դարձուց նախարար, նահանգապետ, հետախուզական վարչութեան ղեկավար: Փայլանի համոզումով՝ այս անհետեւողականութիւնն է պատճառը, որ երկրին մէջ կը շարունակուին յանցագործութիւնները, հասարակութեան տարբեր հատուածներ մէկը միւսին դէմ դուրս կու գան, յեղաշրջման փորձեր տեղի կ'ունենան:

«Յարգելի՛ գործընկերներ, տակաւին շատ չենք ուշացած: Գիտեմ, որ հիմա ոտքի պիտի կանգնիք եւ ըսէք՝ գործին մէջ ներգրաւուած երկու կիւլենական կայ, անոնք են մեղաւորները: Սակայն ոչ միայն կիւլենականները չեն, այստեղ ամբողջ պետութեան հաւաքական պատասխանատուութիւնը կայ: Յիշեցէ՛ք, որեւէ անպատիժ յանցագործութիւն նոր յանցանքի պատճառ կը դառնայ: Մի՛ մոռնաք, յանցագործները թաքցնողները եւս մեղսակից են», - յայտարարած է Փայլան:

Ան նշած է, որ իրենք՝ Տինքի ընկերները պիտի շարունակեն արդարութեան հասնելու իրենց պայքարը: Խօսքի վերջաւորութեան դիմելով Հրանդ Տինքին, ան հայերէնով ըսած է. «Աստուած հոգիդ լուսաւորէ: Շատ ապրիս, Հրանդ»:

Ուշագրաւ է, որ խորհրդարանի արձանագրութիւններուն մէջ Փայլանի կողմէ արտասանուած հայերէն խօսքերուն վրայ «x» նշան դրուած է:

Յիշատակի Ոգեկոչում Մելգոնեան Անմահ Բարերարներու

«Անմահ լուսոյ, ճշմարտութեան, բարիին Տաճարն է այս, սրբանուէր, թանկագին, Ան մեզ տուաւ՝ նահատակուած մեր ցեղին Զաւակներէն լաւագոյնը ու բարին»



Կիրակի 14 Յունուար 2018-ին, Ս. Յովհաննու Կարապետի Տօնին առիթով, սրբազան աւանդութեամբ մը, ոգեկոչուեցաւ յիշատակը անմահ բարերարներ՝ աղա Կարապետ եւ աղա Գրիգոր Մելգոնեաններու: Նիկոսիոյ Ս. Աստուածածին Մայր եկեղեցին փութացեր էին Մելգոնեանի մեծ ընտանիքին մաս կազմող անձեր՝ ըլլան անոնք նախկին հոգաբարձու, տնօրէն, ուսուցիչ թէ աշակերտ, կամ պարզ ազգայիններ: Ներկայ էին նաեւ Պետ. Ներկ. Տէր եւ Տիկ. Վարդգէս Մահտեսեան, Թեմական եւ Վարչական Մարմնի անդամներ, կիպրահայ ազգայիններ եւ հիւրեր՝ յարգելու համար յիշատակը ազգանուէր մեծ բարերարներուն:

Է՛ր երբեմն, ոչ վաղ անցեալին, Բարերարներու Տօնին, Ս. Աստուածածին եկեղեցին կը խայտար կենսալիք ներկայութեամբը հարիւրաւոր մելգոնեանցի աղջկանց եւ տղոց, որոնք կը ներկայացնէին նոր շատաւիղները մելգոնեանցիներու տակաւ աճող ընտանիքին...: Այժմ թախիժ մը կայ մթնոլորտին մէջ... կապարի պէս ծանր կը ճնշէ անոնց բացակայութիւնը...: Խզուած է թելը մելգոնեանցիները օղակ-օղակ իրարու ազուցող շղթային:

Պատարագէն ու Հոգեհանգիստէն ետք, ներկաները համախմբուեցան Մելգոնեան Կրթական Հաստատութեան սիրտը գտնուող Բարերարներու դամբանին առջեւ: Ամայութիւն եւ լռութիւն էր չորս դին...: Միտքս կը թեւածէր դէպի մէկ-երկու տասնամեակ ետ...: Կը մտաբերէի անցեալի այն հին, երանելի օրերը, երբ ամբողջ Մելգոնեանի շրջապատը կեանք կը բուրէր, մթնոլորտը կը շնչաւորուէր հայերէն ճռուղիներով, ուրախ գոռում-գոչումովը, խինդ ու ծիծաղովը մելգոնեանցի աշակերտներու...:

Պաշտամունքի պատշաճ արարողութիւն կատարուեցաւ ի յիշատակ ազգային անմահ բարերարներուն, ներկաները միասնաբար երգեցին «Ի վերին Երուսաղէմ»ը եւ «Հայր Մեր»ը, ապա տարիներու անխախտ աւանդութեամբ՝ Մելգոնեան կրթական հաստատութեան քայլերգը՝ «Անմահ լուսոյ»: Այնուհետեւ, ներկաները մէկ առ մէկ ծաղկեպսակներ եւ մեխակներ զետեղեցին բարերարներու դամբանին առջեւ:

Մուրիական «Մաուս» ճաշարանին մէջ, հոգեճաշի սեղաններու շուրջ, բարերարներու յիշատակի ոգեկոչումը շարունակուեցաւ հայաբոյր մթնոլորտի մէջ, հայաշունչ երգերու հնչիւններու տակ:

Յիշատակն արդարոց օրհնութեամբ եղիցի:

Երան Գույումճեան

ԱՐԴԱՐԱՄԻՏ ԹՈՒՐՔ ՓՐՈՑԵՍԷՕՐԸ ԿԸ ԴԱՏԱՊԱՐՏԷ ԹՈՒՐՔԻՈՅ ԿՈՂՄԷ ՀԱՅՈՑ ՑԵՂԱՍՊԱՆՈՒԹԵԱՆ ԺԽՏՈՒՄԸ

ՅԱՐՈՒԹ ՍԱՍՈՒՆԵԱՆ

«Քալիֆորնիա Քուրիըր» թերթի հրատարակիչ եւ խմբագիր



2017 թուականի դեկտեմբեր 30-ին հանրաժանօթ թուրք քաղաքագետ, լրագրող եւ գրող Ճենկիզ Աքթար հրապարակած է Հայոց ցեղասպանության վերաբերեալ անաչառ եւ կարեկցական յօդուած մը: «Անցեալի բռնութեան դիմակայումը աւելի մեծ բռնութեամբ» խորագիրը կրող Աքթարի յօդուածը տեղադրուած է Ahvalnews.com արտասահմանեան կայքին վրայ՝ թրքական կառավարութեան ճնշող վարչակարգի

հասանելիութենէն դուրս:

Փրոֆ. Աքթար իր յօդուածը կը սկսի թուրք ժխտողականներուն ուղղուած խիստ զգուշացումով մը. «Եթէ մենք՝ որպէս հասարակութիւն, դէմ յանդիման չգանք անցեալին գործած մեր զանգուածային յանցանքին հետ, ինչպիսին է 1915-ի Հայոց ցեղասպանութիւնը, եւ եթէ պատշաճ հատուցում չկատարենք անմեղ զոհերու ժառանգներուն, անպատիժ մնալու իրողութիւնը պիտի հետապնդէ մեզ, եւ մինչեւ իսկ աւելի մեծ չարիք կրնայ գալ մեր գլխուն: Սա դարաւոր բարոյական ծանր իրավիճակ է՝ շատ խոր արմատներով»: Աքթար ոչ միայն կը պահանջէ Հայոց ցեղասպանութեան ճանաչում, այլ նաեւ, ինչ որ աւելի կարեւոր է, «փոխհատուցում»:

Փրոֆ. Աքթար կը գտնէ, որ 1915 թուականէն ի վեր Թուրքիոյ մէջ տեղի ունեցած բոլոր չարիքներուն արմատը թրքական կառավարութեան կողմէ Հայոց ցեղասպանութեան ժխտումն է. «Հաշուի առնելով, որ Ցեղասպանութիւնը իր էութեամբ զանգուածային յանցագործութիւն է, քան՝ որեւէ հասարակական, անհատական կամ հաւաքական օրինազանցութիւն, կամ՝ այսօրուան չղաղարող չարիքները, եւ եթէ հասարակական գիտակցութիւնը կրնայ մարսել Ցեղասպանութիւնը, ապա եւ անհիկա կրնայ դիրութեամբ հանդուրժել որեւէ անօրինականութիւն: Այսպիսով, չարիքը չարիք կը ծնի: Մենք՝ որպէս հասարակութիւն, միշտ մերժած ենք անդրադառնալ 1915 թուականի իրադարձութիւններուն՝ այդ մեղսագործութեան հետեւած խախտումներուն պատճառով, որոնք ուղղակիօրէն կապ ունէին Ցեղասպանութեան անպատժելիութեան, ինչպէս նաեւ կամաւոր կամ պարտադրուած խելագարութեան հետ»:

Իրականութեան մէջ բռնութիւնը եւ անարդարութիւնը սովորական երեւոյթ դարձած են Թուրքիոյ մէջ՝ կապուած Հայոց ցեղասպանութեան զանգուածային յանցագործութիւններուն. «... Հաւաքական խելագարութիւնը, հաւաքական բռնութիւնը եւ հաւաքական անառակութիւնը, զորս պարտադրուած են մեզի 1915-ի յանցանքներէն ետք, դարձած են մեր կենսակերպը: Այժմ մենք անսահման բռնութիւն եւ անառակութիւն ունինք ամէնուրեք, մեր տուններուն, զօրանոցներուն, աշխատավայրերուն, հիւանդանոցներուն, բոլոր ասպարէզներուն մէջ, քաղաքականութենէն մինչեւ լրատուական միջոցներ՝ մարդոց, անասուններու, բնութեան, քաղաքներու, մշակոյթի, ամէն բանի դէմ: Անօրէնութիւնը, անպատժելիութիւնը, անարդարութիւնը եւ անտարբերութիւնը եւս ամէնուրեք են»:

Աքթար Հայոց ցեղասպանութեան ժխտումը կը նկարագրէ որպէս Թուրքիոյ վրայ շարունակուող «անէծք», որ պատճառ դարձած է թրքական հասարակութեան մէջ առկայ բազմաթիւ չարիքներու. «Որոշակի շիզոֆրենիա (հոգեհերձուածութիւն, «Ա.»), որ կը ստիպէ անմիջապէս մոռնալ եւ միւսներուն եւս կը ստիպէ մոռնալ հասցուած բռնութիւնը: Ասիկա ընդհանուր հիւանդութիւն է, որ կը գերազանցէ սովորական ամէնօրեայ քաղաքականութեան պատրանքը: Այսուամենայնիւ, անցեալի բռնութիւններու ճնշուած յիշողութիւնները կը պահպանուին հասարակութեան ենթագիտակցութեան մէջ՝ աւելի շատ բռնութիւն ստեղծելով, փորձելով մեր խելագարութեան սահմանները: Այնպէս որ,

փորձելով մոռնալ չարիք մը՝ մենք նորը կը ստեղծենք... Գուցէ սա հասարակութեան անէծքն է, որ կը ստիպէ հրաժարիլ կամովին դէմ յանդիման գտնուելէ իր անցեալի բռնութեան հետ, ակամայ դիմակայելով ամէնօրեայ բռնութիւնը՝ իր բոլոր աղէտաբեր հետեւանքներով»:

Իր գրասիրտ, մարդասիրական յօդուածի վերջաւորութեան Աքթար կը վերատեղադրէ իր մէկ այլ հօր յօդուածը, գոր ան գրած էր «Թարաֆ» թերթին մէջ մինչեւ 2015՝ Հայոց ցեղասպանութեան հարիւրամեակ. թրքական իշխանութիւնները յօդուածը ջնջած են կայքէն:

Աւելի կանուխ գրուած իր յօդուածին մէջ փրոֆ. Աքթար նաեւ կ'ընդունի, որ այսօր Թուրքիոյ մէջ տեղի ունեցող չարիքները թրքական հասարակութիւնը պայմանաւորած են Հայոց ցեղասպանութեան զոհերու անէծքներով. «Ո՛վ գիտէ՝ մեզ հետապնդող բոլոր չարիքները, անվերջ զանգուածային սպանութիւնները եւ այս դժբախտութիւններէն դուրս գալու մեր անկարողութիւնը գուցէ պայմանաւորուած են դարաւոր անէծքով եւ դարաւոր սուտով: Ի՛նչ կը կարծէք: Սա թերեւս նզովքն է՝ հայերու, մանուկներու, կիներու եւ տղամարդոց, որոնք նահատակուեցան հառաչանքով եւ թաղուեցան առանց դագաղի: Սա գուցէ մեր հոգիներուն մէջ յառաջացած փոթորիկներն են, որոնք ստեղծուած են տակաւին հոգեվարքի մէջ գտնուող ուրուականներու՝ մեր բոլոր դժբախտ քաղաքացիներու, ներառեալ յոյներու եւ սուրիացիներու, իսկ հետագային՝ ալեւիներու եւ քիւրտերու կողմէ: Հաւանաբար, 1915 թուականէն ի վեր կոտորածները, որոնք տակաւին հաշուի չեն առնուած, եւ անոնց համար մինչեւ այսօր չվճարուած գինը այժմ տարբեր տեղերու մէջ մեր թոռներն են, որ կը վճարեն: Անիծուած ենք՝ իւրուած, գողցուած կեանքերու, թալանուած տուններու, աւերուած եկեղեցիներու, բռնագրաւուած դպրոցներու եւ բռնագաւթուած ունեցումաւորի համար... «Թող Աստուած տայ, որ այս բոլորին համար վճարես քու գալիք բոլոր սերունդներովդ»... Արդեօք մենք կը վճարենք մինչեւ օրս կատարուած ամբողջ անարդարութեան գինը: Արդեօք փոխհատուցումը կը դրսեւորուի այն յօժարակամութեամբ մը, որ չենք կրնար առ երես գալ մեր անցեալի մեղքերուն հետ, թէ՛ այնպիսի անբարեխիղճ ձեւով, որ դարձած է մեր սովորութիւնը՝ անարդարութեան նկատմամբ մեր երկարատեւ հանդուրժողականութեան պատճառով: Կը թուի, թէ մեր հասարակութիւնը մէկ դարու ընթացքին քայքայուած է՝ թարախակալելով ամբողջ շրջապատը»:

Երբ թուրք ղեկավարները ընդունին իրենց նախնիներուն կատարած զանգուածային յանցագործութիւնները եւ հատուցում կատարեն, ինչպէս կ'առաջարկէ փրոֆ. Աքթար, ապա միայն այն ատեն Հայաստան եւ Թուրքիա կրնան դիւանագիտական բնականոն յարաբերութիւններ հաստատել, եւ միայն ատկէ ետք է, որ այս երկու երկիրները կրնան անցեալը ետեւ ձգել: Թող Ալլահին օրհնութիւնը այս արդարամիտ թուրքին եւ անոր աստուածային արդարութեան հետապնդման վրայ ըլլայ...

Արեւելահայերէնի թարգմանեց՝ ՌՈՒԶԱՆՆԱ ԱԻԱԳԵԱՆ

Արեւմտահայերէնի վերածեց՝ ՄԵՂԱ ԳՐԻԳՈՐԵԱՆ



Անթալիայի նահանգապետ. «Տասնմեկ տարի է արդարություն եւ խիղճ կը փնտռենք, բայց չենք գտներ»

Թուրքիոյ հայկական «Ակօս» թերթի հիմնադիր եւ խմբագրապետ Հրանդ Տինքի սպանութեան 11-րդ տարելիցին առիթով Անթալիայի նահանգապետ Ֆաթմա Քայաօղլուն հրապարակած է գրաւոր յայտարարութիւն մը: Այս մասին կը հաղորդէ Ermenihaber.am-ը վկայակոչելով թրքական «Birgun» թերթը:



«Հրանդ Տինքի սպանութենէն անցաւ 11 տարի: Մեր եղբայրը ո՛չ միայն հայ էր, այլեւ քիւրտ, թուրք, լազ, պոսնիացի, վրացի, ասորի, արաբ, քրիստոնէայ, մահմետական, եզիտի, ալեւի: Ան կը կրէր ժողովուրդներու համերաշխութեան համընդհանուր բարութիւնը»,- գրած է Քայաօղլուն:

Նահանգապետը նշած է, որ Թուրքիոյ մէջ ազգայնական դրսեւորումները յաճախ կը հանդիսանան օրինական երեւոյթ, իսկ ֆաշիստական յարձակումները կ'որակուին իբրեւ «ժողովուրդի բնական արձագանգ»: Եւ ահա այդ ազգայնականութեան գոհը դարձաւ Տինքը:

«11 տարի է արդարություն եւ խիղճ կը փնտռենք, բայց չենք գտներ: 11 տարի է կը դիմենք դատաւարական համակարգին, կառավարութեան, խորհրդարանին, սակայն արդիւնք չկայ: 11 տարի է մենք փողոցի վրայ կը խօսինք ա՛յն մարդասպաններուն մասին, որոնք կանգնած են սպանութեան ետին, սակայն անոնք մեզի չեն լսեր: Հրանդը սպանողներուն եւ վերջիններու աջակիցներուն մէկ անգամ եւս կը յիշեցնենք. Դուք այլեւս չէք կրնար իրականացնել նման սպանութիւն: Այս հողերուն մէջ դեռ կ'ապրին Հրանդներ եւ անշուշտ պիտի շարունակեն ապրիլ»,- ըսած է Անթալիայի նահանգապետը:

Յիշեցնենք, որ Տինքը սպաննուած էր 2007 Յունուար 19-ին: 2012-ին, դատարանի որոշումով՝ Դինքի սպանութեան կազմակերպիչ Եասին Հայալը ցմահ բանտարկութեան դատապարտուեցաւ, իսկ սպանութիւնը իրականացուցած Օկիւն Սամաթը դատապարտուեցաւ 22 տարուան ազատազրկման: 2014-ին Մթամպուլի ծանր յանցանքներու դատարանը որոշում կայացուց Տինքի սպանութեան գործը վերստին քննելու:

Հայաստանը Դարձած է Միջազգային Ծովային Կազմակերպութեան Անդամ

Հայաստանը դարձած է միջազգային ծովային կազմակերպութեան (IMO) անդամ՝ միանալով համապատասխան պայմանագիրին: Այս մասին, ըստ PanArmenian.net-ի, նշուած է ՄԱԿ-ի կայքէջին մէջ:



Հայաստանը դարձաւ 173-րդ երկիրը, որ կ'անդամակցի կազմակերպութեան, որ նաեւ երեք անդամ ունի:

Միջազգային ծովային կազմակերպութիւնը միջազգային ոչ կառավարական կազմակերպութիւն է, որ կ'ենթարկուի ՄԱԿ Գլխաւոր վեհաժողովին, կը մասնագիտանայ միջազգային առևտրային նաւագնացութեան հետ կապուած ճարտարագիտական հարցերու շուրջ գործակցութեան եւ տեղեկատուութեան փոխանակման ոլորտին մէջ:

2017 Հոկտեմբերին, ԱԺ-ի մէջ ներկայացնելով Միջազգային ծովային կազմակերպութեան մասին պայմանագիրը, ՀՀ փոխադրամիջոցի, կապի եւ տեղեկատուական ճարտարագիտութիւններու փոխնախարար Գագիկ Գրիգորեան յայտարարած էր, որ Հայաստանը, միանալով պայմանագիրին,

Վարչապետը Տաւոսի Մէջ Հանդիպումներ Ունեցած է Միջազգային Խոշոր Ընկերութիւններու Ղեկավարներու Հետ



Վարչապետ Կարէն Կարապետեան Տաւոսի մէջ ընթացող Համաշխարհային տնտեսական համաժողովի ծիրէն ներս այսօր հանդիպումներ ունեցած է միջազգային խոշոր ընկերութիւններու ղեկավարներու հետ: Կարէն Կարապետեանի առաջին հանդիպումը խորհրդատուութեան ոլորտին մէջ «Մեծ եռեակ»-ի ընկերութիւններէն մէկուն՝ «Պի Սի Ըի» (Boston Consulting Group, BCG) ընկերութեան նախագահ Հանս-Փոլ Պեռնէրու հետ էր: Հանդիպման քննարկուած են «Պի Սի Ըի» ընկերութեան եւ «Պի Սի Ըի Տիճիթլ Վեչուրս» ընկերութեան հետ համագործակցութեան հեռանկարները: Կարէն Կարապետեան ընդգծած է, որ Հայաստան կրնայ հետաքրքիր ըլլալ ընկերութեան համար՝ ինչպէս որպէս առանձին երկիր, այնպէս ալ որպէս տարածաշրջանային շուկաներ մուտք գործելու հարթակ՝ նշելով, որ ըլլալով ԵԱՏՄ անդամ, Հայաստան կ'օգտուի նաեւ Եւրոմիութեան GSP+ արտօնեալ կարգէն, իսկ հարեւան Իրանի հետ սահմանին կը ստեղծուի Մեղրի ազատ տնտեսական գոտին, որ գործակցութեան նոր հնարաւորութիւններ կրնայ ստեղծել: Զրուցակիցներն անդրադարձած են փոխգործակցութեան հեռանկարային ուղղութիւններուն: «Մեծ եռեակ»-ին մէջ, բացի «Պի Սի Ըի»-էն, ընդգրկուած են նաեւ McKinsey եւ Bain & Company ընկերութիւնները: Ներկայիս «Պի Սի Ըի» ընկերութիւնը գրասենեակներ ունի 50 երկրի մէջ: Վարչապետի միւս հանդիպումը «ՎեՆՆ» (VEON) ընկերութիւններու խումբի գլխաւոր գործադիր տնօրէն Ժան Իւ Շարլիէի հետ էր արտաքին կապերու ղեկավար Մարք Մաքգանի հետ էր: Կարէն Կարապետեան նշած է, որ Հայաստան կը գնահատէ «ՎեՆՆ»-ի հետ հաստատուած համագործակցութիւնը՝ յոյս յայտնելով, որ ընկերութիւնը կ'ընդլայնէ իր գործունէութիւնը Հայաստանի մէջ եւ կ'աւելցնէ ներդրումներու ծաւալը: Զրուցակիցներն անդրադարձած են նաեւ ՀՀ կառավարութեան կողմէ իրականացուող Թուային օրակարգին՝ ընդգծելով ասոր կարեւորութիւնը երկրի տնտեսութեան զարգացման համար: «ՎեՆՆ»-ի ներկայացուցիչները նշած են, որ բաւարարուած են 2017 թուականի արդիւնքներով, եւ իրենց ծրագիրները Հայաստանի մէջ շարունակական պիտի ըլլան: «Մենք լաւատեսութեամբ կը նայինք Հայաստանին ու տարածաշրջանին, եւ կը կարծենք, որ այն աւելի գրաւիչ պիտի դառնայ օտարերկրեայ ներդրողներուն համար», - նշած է Ժան Իւ Շարլիէն՝ տեղեկացնելով, որ մօտ ժամանակներս կրկին պիտի այցելէ Հայաստան:

պիտի կարենայ իր դրօշը բարձրացնել նաւերուն վրայ: Պայմանագիրին միանալու շնորհիւ Հայաստանի ընկերութիւնները կրնան իրենց նաւերու եւ լաստանաւերու վրայ հայկական դրօշը բարձրացնել: Հանրապետութիւնը կրնայ ընդունիլ նաեւ արտասահմանեան նաւերու հաշուառումները, քանի որ այդ հարցով ծովային իրաւունքի սահմանափակումներ չկան: Բացի այդ, պայմանագիրը պիտի կանոնակարգէ այդպիսի նաւերու ընդունումը նաւահանգիստներու մէջ:

Քաջալերեցէք հայ մամուլը



Հ.Բ.Ը.Մ.-եան Նոր Տարուայ Կարկանդակի բաշխումը



Հ. Բ. Ը. Միութեան Յունաստանի Կեդրոնական Յանձնաժողովը, կազմակերպեց Նոր Տարուայ Կարկանդակի բաշխումը, Կիրակի 14 Յունուար-ին, երեկոյեան ժամը 6-ին, Հ. Բ. Ը. Միութեան «Հրանդ եւ Լուիզ Ֆէնէրճեան» հանդիսասրահին մէջ:

Հանդիսութիւնը իրենց ներկայութեամբ պատուեցին Յունահայոց Թեմի առաջնորդական տեղապահ Տէր Խորէն Վրդ. Առաքելեանը, Պրն. Ալեքսանտր Սարգիսեան, Հայաստանի Հանրապետութեան Դեսպանորդ Յունաստանի մօտ, Տիկ. Վասիլիքի Անտրիքորուլու Փ. Ֆալիբո-ի Փոխ-Քաղաքապետուհի, Տիկ. Լուիզ Ֆէնէրճեանը, Թեմական Խորհուրդի ներկայացուցիչներ, միութիւններու ներկայացուցիչներ, ինչպէս նաեւ յունահայ հասարակութիւնը:



Օրուայ հանդիսավարն էր Հ. Բ. Ը. Միութեան «Ա. Գալփաքեան» վարժարանի ուսուցչուհի Տիկ. Մարի Հաննէանը:

Բարի գալուստեան մաղթանքներէն ետք, խօսք առաւ Հ. Բ. Ը. Միութեան Յունաստանի Կեդրոնական Յանձնաժողովի Աստեապետ Դոկտ. Համբիկ-Սահակ Մարութեանը, ուր շնորհակալութիւն յայտնեց բոլոր անոնց որոնք իրենց բարոյական օժանդակութեամբ թիկունք կը կանգնին Միութեան եւ վարժարանին:

Ապա խօսք առաւ Տիկ. Մարիա Էլէնի Պէնարտի Հ. Բ. Ը. Միութեան «Ա. Գալփաքեան» վարժարանի Տնօրէնուհի:

Նաեւ Տիկ. Վասիլիքի Անտրիքորուլու Փ. Ֆալիբո-ի Փոխ-Քաղաքապետուհի, ուր յայտնեց իր ոգեւորութիւնը եւ ուրախութիւնը գործակցութեան համար:

Վերջաւորութեան խօսք առաւ Յունահայոց Թեմի առաջնորդական տեղապահ Տէր Խորէն Վրդ. Առաքելեանը, ուր իր օրհնութիւնը տալէ ետք, կատարուեցաւ կարկանդակի բաշխումը:

ԼՈՅՍ ՏԵՍԱԻ Ռ. ՀԱՏՏԷՃԵԱՆԻ «ՄԱՐԴԻԿ, ՈՐՈՆՔ ԱՆՑԱՆ ԿԵԱՆՔԻՍ ՄԷՋԷՆ» ԽՈՐԱԳԵԱԼ ՆՈՐ ԳԻՐՔԸ

«Հաճոյքով կը հաղորդենք, որ գիրքի ձեռով հրատարակուեցաւ ու գրասերներու տրամադրութեան տակ կը դրուի մեր խմբագրապետ Ռ. Հատտէճեանի նոր գիրքը, որ «Մարդիկ, որոնք անցան կեանքիս մէջէն» շարքի երեք հատորներէն առաջինն է: Ինչպէս ընթերցողները կը յիշեն, այս շարքին մէջ հեղինակը կարօտալից ու սիրոյ զգացումներով կը խօսի անձերու մասին, որոնք անցան իր կեանքին մէջէն ու բանով մը իրենց ազդեցութիւնը թողուցին: Շարքը պիտի ամբողջանայ երեք հատորներով: Գիրքին մէջ տեղ տրուած է նաեւ յիշուած անձերէն ոմանց լուսանկարներուն», կը տեղեկացնէ «Մարմարա» օրաթերթը:




Հեղինակը կը գրէ, որ մեռնողները կը շարունակեն ապրիլ գիրքէն յիշողներուն շնորհիւ: Երբ կու տանք անոնց անունները, կը փոխադրուինք դէպի անցեալ, կարօտով կը յիշենք ապրուած կամ չապրուած հին օրերը:

Գիրքը կը կազմէ «Յուշատետր» շարքին 88-րդ հատորը: Շարքին յաջորդ երկու հատորները պիտի հրատարակուին շուտով:

Միխթարեան «Մանչ. Եունայթըրտ»-ի Մարգաշապիկը Յանձնած Է Հայաստանի Մէջ Քաղցկեղով Հիւանդ Երեխաներուն Օգնելու Համար

Հայաստանի ֆութպոլի ազգային հաւաքականի աւագ Հենրիխ Միխթարեան պաշտօնապէս տեղափոխուեցաւ Լոնտոնի «Արսենալ»: Ան իր նախկին ակումբի՝ «Մանչեստեր Եունայթըրտ»-ի մարգաշապիկը յանձնած է բարեգործութեան նպատակով:



«Որպէս շնորհակալութիւն «Մանչեստեր Եունայթըրտ»-ի երկրպագուներուն, «Միքի. հայ հերոս» վաւերագրական ֆիլմի նկարահանման նպաստող բոլոր մարդոց անունով ես կը յանձնեմ խումբի բոլոր ֆութպոլիստներուն կողմէ ստորագրուած մարգաշապիկը Հայաստանի մէջ քաղցկեղով հիւանդ երեխաներուն աջակցելու համար»,-իր ֆէյսպուքեան էջին վրայ գրած է Հենրիխ Միխթարեան:

Կարկանդակի Բաշխում

Արարատ Մ.Մ.Միութիւնը սիրով կը հրաւիրէ Ձեր բոլորին կարկանդակի բաշխումի որ տեղի պիտի ունենայ՝

**Կիրակի, 11 Փետրուար 2018-ին
Երեկոյեան ժամը 6.00-ին**

Հ.Բ.Ը.Մ.-ԱՐԱՐԱՏ կեդրոնի «Անանիա եւ Վարդուհի Խաչատուրեան» սրահին մէջ:

ՄԻՋԻՆՔ

Արարատ Մ.Մ.Միութեան Տիկնանց Մարմինը կը կազմակերպէ աւանդական Միջինք-երեկոն,

**Երկուշաբթի՝ 12 Մարտ, 2018
երեկոյեան ժամը 6.30-ին**

Արարատի "Անանիա եւ Վարդուհի Խաչատուրեան" սրահին մէջ:

Ներկաները պիտի համտեսեն Պահքի ճաշեր, պատրաստուած մեր տիկիներուն դալար ձեռքերով:
Երեկոն պիտի ձոխանայ գեղարուեստական յայտագրով:



ԹԱՏԵՐԱԿԱՆ



Արարատ Մ.Մ.Միութեան
"Օրիւման" թատերախումբը կը ներկայացնէ
**Յակոբ Պարոնեանի
"Երկու Տիրոջ Մէկ Ծառան"**

կատակերգութիւնը յունարէն լեզուով,
բեմադրութեամբ Հայկ Գասարճեանի:

**Շաբաթ 24 եւ Կիրակի 25 Փետրուար 2018-ին
երեկոյեան ժամը 8.00-ին.**

Δημορχείο Ρέντι
Αίθουσα Ιάκωβος Καμπανέλλης
οδός Μπιχάκη 8

ՅՈՒՇԱՏՕՆ

Հովանաւորութեամբ
Յունահայոց Թեմական Խորհուրդի
Եւ Կազմակերպութեամբ
Ռամկավար Ազատական Կուսակցութեան

Նուիրում

**ԱՄԵՆԱՅՆ ՀԱՅՈՑ ԿԱԹՈՂԻԿՈՍ
ԵՐԶԱՆԿԱՅԻՇԱՏԱԿ
ՎԱԶԳԷՆ ԱՌԱՋԻՆ-ի**

**ԿՈՒՍԱԿՐՈՆ ՔԱՀԱՆԱՅ ԶԵՆՆԱԴՐՈՒԹԵԱՆ
75-ԸՂ ՏԱՐԵԼԻՑԻՆ ԱՌԹԻԻ**

տեղի պիտի ունենայ Կիրակի, 4 Փետրուար, 2018-ին
Հ. Բ. Ը. Միութեան «Հրանդ եւ Լուիզ Տէներճեան»
հանդիսասրահին մէջ, երեկոյեան ժամը 7.00-ին

Յուշատօնը իր ներկայութեամբ պիտի պատուէ «Bruxelles»-ի Հայաստանեայց եկեղեցւոյ հոգեւոր հովիւ, Տէր Զատիկ Վրդ. Աւետիքեան որ գաւազանակակիրը եղած է, Ամենայն Հայոց Վազգէն Ա. Հայրապետին, եւ իր անմոռանալի յուշերով պիտի վերակենդանացնէ անցեալի հետաքրքրական դրուագներ, որոնք պատահած են Ամենայն Հայոց Հայրապետի կեանքին մէջ:

Գրաւում Օրեր

10/02/2018

Բարեկենդանեան

խրախճանք

04/03/2018

Միօրեայ պտոյտ

Ա Գալիփաքեան Վարժարանի
Ծնողաց Մարմին

ԿԱՐԴԱՅԷՔ ՌԻ

ՏԱՐԱԾԵՑԷՔ

"ՆՈՐ ԱՇԽԱՐՀ"

ՇԱԲԱԹԱԹԵՐԹԸ

ՆՈՐ ԱՇԽԱՐՀ
ԱԶԳԱՅԻՆ, ՄՇԱԿՈՒԹԱՅԻՆ.
ՀԱՍԱՐԱԿԱԿԱՆ
ՇԱԲԱԹԱԹԵՐԹ

Մեփականութիւն
ԱՐԱՐԱՏ Մ Մ ՄԻՌԻԹԻՆ
Միսթու 33, Նիքեա, Յունաստան
Համակարգչային
շարուածքը եւ էջադրումը՝
ՆՈՐ ԱՇԽԱՐՀ շաբաթաթերթի

Տնօրէն՝
Ընկ. Մարգիս Խաչատուրեան
Արտօնատէր -
Փաստաբան՝
ընկ. Յակոբ Տէսճեան

"NOR ASKHAR"
Αρμένικη Εβδομαδιαία
Εφημερίδα
Ιδιοκτησία "ΑΡΑΡΑΤ"
Φιλολογικό Αθλητικό Σωματείο

Διευθυντής
Σαρκίς Χατσατουριάν
Εκδότης -
Ιάκωβος Φετζιάν Δικηγόρος

Σηστού 33 - TK 18450 - Νίκαια
Τηλ: 210-4926085
"NOR ASKHAR"
Armenian Cultural Social Weekly
33 Sistou Str.
GR 18450 NIKEA GREECE
Tel-Fax: 00+30+210-4926085

Բացի իմբազրականներէն, յօղուածագիրներու տեսակէտներն ու գաղափարները անպայմանօրէն չեն արտայայտեր թերթին ուղեգիրը:

Պագար – վաճառք

Արարատ Մ.Մ.Միութիւնը սիրով կը հրաւիրէ հայ հասարակութիւնը, առտնին-տնային ու տեստեղէններու պահածոներու մաքրութեան եւ այլ տնային իրերու բացառիկ պագարին:

Դուք ձեր այցելութեամբ, մատչելի գիներով ու զեղչով գնումներ կրնաք կատարել քան շուկայի հանրախանութիւններու ընդհանուր հասարակաց գիներէն:


Պագար-վաճառքին պիտի գտնէք հանրախանութային ու տեստեղէններու, տունի մաքրութեան հեղուկներ եւ փոշիներ եւ զանազան այլ իրեր:

Վաճառքը տեղի կ'ունենայ Կիրակի 18 Մարտ 2018-ին առաւօտեան ժամը 10:00-էն մինչև երեկոյան 6:00: Հ.Բ.Ը.Մ.-Արարատ կեդրոնի Անանիա եւ Վարդուհի Խաչատուրեան սրահէն ներս:

ԱՐԱՐԱՏ Մ.Մ.Միութեան Վարչութիւն

Սուրբ Սարգիս Զորավարի Երիտասարդներու Եւ Սիրոյ Տօնին Հայ Ժողովրդական Սովորութիւնները

Հայ Ժողովուրդը Սբ. Սարգիս զորավարի տօնը կը նշէ, ոչ միայն եկեղեցական արարողութիւններով, այլ նաեւ ժողովրդական սովորութիւններով, որոնք ասանդութիւն դարձած են:



Սբ. Սարգիս զորավար երիտասարդներու եւ սիրահարներու արագահաս բարեխօսն է, անոր միջամտութեամբ տեղի կ'ունենայ հրաշքներ: Սբ. Սարգիս զորավարի տօնին եւ անոր նախորդող օրերուն երիտասարդները կ'աղօթեն անոր, որպէսզի իրենց աղօթքները եւ բարի փափաքներն ու երազանքները իրականացնելու համար ամենակալ, բարձրեալն Տիրոջ հասցնէ:



Տօնին կը նախորդէ 5 օրուայ առաջաւորաց պահքը:

Սուրբ Սարգիս Զորավարի տօնի նախօրեակին, տան տանիքին եւ կամ պատշգամին վրայ ալիւրով լեցուն փսիւտ մը դնելը հայ ժողովրդական ամենածանօթ սովորութիւններէն մին է: Հայ ժողովուրդը համոզուած է թէ, Սբ. Սարգիս Զորավար իր սպիտակ ձիով շատ արագ պիտի ցատկի իրենց տան տանիքին եւ կամ տան պատշգամին վրայէն եւ անոր ձին պիտի կոխէ ալիւրով լեցուն փսիւտին վրայ եւ ձիուն պայտին հետքը պիտի մնայ ալիւրով լեցուն փսիւտին մէջ, որ, ժողովրդական համազումով կը նշանակէ, թէ հետքը տան եւ տան անդամներուն բարիք պիտի բերէ եւ ի մասնաւորի, եթէ՝ տան մէջ երիտասարդ կայ անոր բարի երազանքները եւ փափաքները այդ տարի պիտի իրականանան:

Մուսա լեցոյի հայերը, Սբ. Սարգիս զորավարի տօնին առթիւ կ'եփեն հաց եւ քաղցրեղէնի նման մէջը մետաղեայ դրամ դրուած յատուկ խմորեղէն մը, տօնին օրը, այս խմորեղէնը կը բաժնեն տան բոլոր անդամներուն, ով՛ որ, այդ դրամը կը գտնէ, ան կը համարուի տարուայ բախտաւորը:

Սբ. Սարգիս Զորավարի տօնի ժողովրդական սովորութիւններէն մին է նաեւ, առաջաւորած պահք պահող երիտասարդները տօնի նախօրեակին երեկոյին աղի կրկնեփ (biskuit) կ'ունեն, որպէսզի տեսնեն թէ, երազին մէջ ով՛, իրենց ջուր պիտի տայ, ինչպիսի գաւաթի մէջ եւ որքան ջուր պիտի ըլլայ գաւաթին մէջ: Եթէ գաւաթը ոսկեայ է, իրենց ամուսնութեան թեկնածուն պիտի ըլլայ հարուստ, իսկ եթէ գաւաթը փայտէ՝ թեկնածուն պիտի ըլլայ աղքատ: Եթէ, ջուրի գաւաթը ամբողջովին լեցուն է, երկար ու ցմահ ամուսնութեան կեանք, իսկ եթէ, գաւաթը կիսով լեցուն է, կարճ ամուսնութեան կեանք կը կանխագուշակուէր:

Սուրբ Սարգիս տօնը շարժական տօն է, տօնին կը յաջորդէ բարեկենդանը եւ ապա քառասունօրեայ մեծ պահքը:

Տոբթ. Սարգիս Ատամ

Հայաստան Զուիցերիայէն Լաւ Է. «Կոմսոմոլսկայա Փրաւտա»

2016-ի դեկտեմբերէն Կորունեծի միջազգային օդակայանէն ուղիղ չուերթներ կ'իրականացուին դէպի Երեւան: Ինչպէս կը գրէ «Կոմսոմոլսկայա Փրաւտա. Լիպեցկ»-ը, Կորունեծի բնակիչները ընդամենը 2 ժամուան մէջ կրնան Հայաստան հասնիլ՝ եզակի երկիր մը, ուր աշխարհի ամենաբարձր ժողովուրդներէն մէկը կ'ապրի:

Պարբերականը կը նշէ, որ Հայաստանի մէջ նոյնիսկ Զուիցերիայէն լաւ է: Երկիրը իտալական է ինչպէս զանգուածային ընկերական հանգիստի, այնպէս ալ ընտանեկան հանդիսութեան համար:

Յօդուածի հեղինակը կը յորդորէ այցելել ծաղկաձոր, լեռնային դահուկներով սահիլ, օգտուիլ ճոպանուղիէն: «Այստեղ սլացող երիտասարդները կը պատմեն, որ այստեղի վայրերն

Տիգրան Մանսուրեանի «Ռեքուիէմ»-ը Արժանացած է Դասական Երաժշտութեան Միջազգային Մրցոյթի Գլխաւոր Մրցանակին

Տիգրան Մանսուրեանի Հայոց Ցեղասպանութեան զոհերուն նուիրուած «Ռեքուիէմ» ստեղծագործութիւնը արժանացած է Դասական երաժշտութեան միջազգային մրցոյթի գլխաւոր մրցանակին «Ժամանակակից երաժշտութիւն» դասակարգին մէջ:



Մրցոյթը տեղի ունեցած է Յունուար 18-էն 20 Լիւքսեմպուրկի մէջ:

«Արմենփրես»-ի հաղորդմամբ, այս իրադարձութեան հետ կապուած Տիգրան Մանսուրեան ըսած է, որ խորապէս յուզուած է մրցոյթի կազմակերպիչներու՝ իր երկի նկատմամբ ցուցաբերած վերաբերմունքէն եւ շնորհակալ:

«Ռեքուիէմ»-ը ներկայացուած է նաեւ Յունուար 28-ին կայանալիք «Կրեմմի» 60-րդ յոբելենական մրցանակաբաշխութեան «Լաւագոյն երգչախմբային ներկայացում» եւ «Լաւագոյն ժամանակակից դասական ստեղծագործութիւն» անուանակարգերուն մէջ: Խօսելով «Կրեմմի»-ի մասին՝ Մանսուրեան ըսած է, որ, անշուշտ, կը սպասէ այդ կարեւորագոյն մրցանակաբաշխութեան: «Եթէ մրցանակի արժանանամ, կը կարծեմ՝ բոլորս ալ ուրախ կ'ըլլանք, եթէ ոչ, Դասական երաժշտութեան միջազգային մրցանակը կայ ու կայ», - կատակով ըսած է երաժիշտը:

Դասական երաժշտութեան եւրոպական միջազգային մրցանակաբաշխութիւնը սկսած է տեղի ունենալ 2011-ի Ապրիլ 6-էն Քաննի մէջ: Դատական կազմը բաղկացած է տարբեր երաժշտական հեղինակաւոր ամսագիրներու երաժշտութեան քննադատներէ:

ու դահուկավազքի ուղիները չեն զիջեր Շուեյցարիային, իսկ գիներն աւելի մատչելի են»:



«Հայաստանի մէջ իրականացուած իւրաքանչիւր օր ընդմիջտ կը մնայ յիշողութեան մէջ: Հեքիաթային վայրերը, աւելի ջերմ եղանակը, տեղական խոհանոցը, բարե-համբոյր եւ հիւր-ընկալ բնակչութիւնը, որ, կարելոր է, կը խօսի եւ կը հասկնայ ռուսերէն, անմոռանալի կը դարձնէ այդ ուղեւորութիւնը», - կ'ըսուի յօդուածին մէջ:

Պարբերականը կը նշէ, որ չնայած Հայաստանի մէջ ծով չկայ, փոխարէնը կայ հիասքանչ Մեւանը: «Մեւանի հարստութիւնը հանրայայտ իշխան ձուկն է, որ կարելի է համտեսել տեղի հաստատութիւններուն մէջ: Այդ ձկնատեսակը յատուկ է՝ այսինքն չի հանդիպիր այլ ջրաւազաններու մէջ», - կը գրէ հեղինակը:

Ի թիւս այլ տեսարժան վայրերու նշուած են Գառնին, Գեղարդը, Խոր Վիրապը, «Մեգերեան Կարպետ» ընկերութիւնը, որուն արտադրած գորգերէն ունին հոլիուուտեան աստղերն ու ՌԴ նախագահ Վլատիմիր Փուտինը, ինչպէս նաեւ չիրերու շուկան ու յուշանուէրներու կրպակները, եւ, անշուշտ, Երեւանը:

«Հայաստանին կը սիրահարուիս: Իւրաքանչիւրն այստեղ կրնայ իր սրտով զբաղմունք մը գտնել՝ սլանալ ձնապատ լեռներով, զմայլիլ լիճի ջիւրերով եւ լեռներով, ճարտարապետութեամբ, համտեսել հայկական խոհանոցի ուտեստները եւ վայելել շփումը բարեհամբոյր եւ հիւրընկալ ժողովուրդի հետ», - panarmenian.net-ի փոխանցմամբ՝ կը գրէ պարբերականը: